

## في ظلال سورة (ق) | #خطبة\_جمعة | د. حازم شومان

حازم شومان

ان الحمد لله نحمده ونستعين به ونستهديه ونستغفره ونعود بالله من شرور افسنا ومن سيئات اعمالنا ما لنا ونعود بالله من شرور افسنا ومن سيئات اعمالنا. انه من يهدى الله فلا - [00:00:00](#)

لا مصل له ومن يضل فلن تجد له هاديا مرشدأ. يا ايها الذين امنوا اتقوا الله حق تقاطه ولا تموتن الا وانت مسلمون. يا ايها الناس اتقوا ربكم الذي خلقكم من - [00:00:33](#)

وخلق منها زوجها وبث منها رجالا كثيرا ونساء اتقوا الله الذي تساعلون به والارحام. ان الله كان عليكم رقيبا. يا ايها الذين امنوا اتقوا الله وقولوا قولوا سيدا. يصلح لكم اعمالكم. ويغفر لكم ذنوبكم - [00:00:53](#)

ومن يطع الله ورسوله فقد فاز فوزا عظيما. اللهم صل على الحبيب محمد وعلى ازواج امهات المؤمنين وعلى ذريته والى بيته انك حميد مجید. اما بعد وقفات مع سورة قاف - [00:01:23](#)

وقفات مع سورة قاف ولكن اولا اخواني في الله تقاربوا للامام عشان اخوانكم يعني يعني على باب المسجد لما حد بييجي ما ما فيش مكان يدخل فيتقاربوا للامام. جزاكم الله خيرا. تفسحوا يفسح الله لكم. جزاكم الله خيرا. وقفات مع سورة قاف تخيلوا يا اخواني في الله - [00:01:43](#)

لو واحد راكب سيارة فارهة سيارة بکذا مليون جنيه وقف الان امام باب الجامع نزل لابس بدلة بعشر تلاف جنيه وطلع من رزم الدولارات كل ورقة بخمسية دولار. يعني الورقة تجي لها باربع تلاف جنيه كده ولا حاجة. رزمة دولارات. والكل منتظر هي عمل بها ايه؟ هيتصرف - [00:02:03](#)

بها هيشتري بها حاجة. قام مطلع ولاعة وقام مولع في الفلوس. كلنا هنقول عليه ايه؟ مجنون ليه؟ لانه بيولع في فلوسه. اهو هو اللي بيولع في عمره اشد جنونا من هذا الرجل. اهو اللي بيولع يعني الرجال ده ممكن يكون عنده اموال قد اللي ولع فيها مليون مرة. ممكن يكون - [00:02:23](#)

اكسب كل يوم قد اللي ولع فيه. مية مرة ممكن يكون عنده غيرها. انت ما عندكش غير العمر اللي انت بتفترط فيه ده. انت ما عندكش غير الايام اللي انت عايشها دي ما فيش عمر تاني. ما فيش فرصة تانية. ما فيش لجنة امتحانات تانية. وقفات مع سورة قاف. قاف. الصورة التي - [00:02:43](#)

اتكلم مع الغافل لقد كنت في غفلة. لقد كنت في غفلة. يعني يعني الغافل يا جماعة اللي ستلاف متين ستة وتلاتين اية من القرآن ما فوقتوش اللي شاشات العرض الجباره في السماوات والارض اللي يتعرض ايات الله في ملكوت الله. ما فوقتوش. اللي - [00:03:03](#)  
نعم ربنا اللي مغرقاه ليل نهار. ما فوقتوش اللي عقوبة المعاصي اللي لما نزلت على اهل المعاصي شافها بعينيه ما فوقتوش. ربنا ما قالوش لقد كنت غافلا. قال له لقد كنت في غفلة في - [00:03:23](#)

وغرقان في بحر من الغفلة كأنه صاحبه مات وما فاقشي. مرض مرض خطير وما فاقشي. حصل له ظروف صعبة وما فاقشي لقد كنت في غفلة ما كانش فيه حاجة بتتفوقك، ما كانش فيه حاجة بتتصحي قلبك. ما كانش فيه حاجة بتهز فطرتك - [00:03:43](#)  
ما كانش فيه حاجة بتخليك تقف مع نفسك. وتعيد حساباتك في علاقاتك بالله. سبحانه وتعالى. لقد كنت في غفلة بيتكلم الغافل بتقول له ايه؟ بتقول له زي ما المعصية بتودي جهنم الغفلة بتودي جهنم بعد ما ربنا قال لك قد كنت في غفلة قال القى في - [00:04:03](#)

جهنم يعني يعني يا اخوانا العلماء اختلفوا هو العاصي الاخطر ولا الغافل؟ فقالوا الغافل ليه؟ العاصي لو وقع في جريمة يعني من من الكبار. قال لك هيندم وهيرجع يفوق. انما الغافل اللي ما بيقعد في معاشي وما بيعملش طاعات - 00:04:23  
بيقول لك انا كده كويسي. انا انسان كويسي. فده بيقول لك ما فييش حاجة بتتفوقة. لانه بيفضل معتقد ان هو كويسي حتى يصدم يوم العرض على الله سبحانه وتعالى سورة قاف بتقول لك ولدينا مزيد ولدينا مزيد بتتكلم عن نموذجين واحد هيموت على الزيادة في الدنيا هيموت على ان دنيته - 00:04:43

موديل عريته يتحسن ويبقى احسن. شقته تتحسن وتبقى اكبر واسع وفي مكان احسن. رصيد بنكه يزيد. مركزه الاجتماعي يزيد ركبته الوزيفية تزيد هيموت على الزيادة في الدنيا. وناسي الدين وغافل عن الدين. ما بيفكرش لما بيحط راسه على المخدة - 00:05:03

هو ربنا راضي عني ولا غضبان علي؟ ما بيفكرش في الآخرة. ما عندوش في وقت يفكر تقابله في الشارع. تقول له الاذان بيدين. يقول لك والله انا مشغول مش فاضي. عندك ايه اهم من الجنة؟ عندك ايه اهم من ربنا؟ مش فاضي كل شغله عشان دنيته تزيد. وواحد - 00:05:23

تاني قضيته ازاي يزيد عند ربنا. ازاي ايمان قلبه يزيد؟ ازاي حسنت صحيحته تزيد؟ ازاي مقامه في الجنة يزيد ازاي درجهه عند الله تزيد؟ فييجي يوم القيمة اللي كان مشغول بزيادة الدنيا وناسي الآخرة يلاقي ما لوش حاجة. واللي كان مشغول بزيادة - 00:05:43  
الآخرة يقول الله له ولدينا مزيد. انت هتاخد نعيم في زيادة مستمرة. هتاخد نعيم فوق ما تتخيل لانك كنت على طول في زيادة في علاقتك بالله سبحانه وتعالى هنتكلم في سورة قاف سريعا حوالين اربع سور - 00:06:03

يتيسر منهم يا اخواني في الله بازن الله في هذه الخطبة اولا والقرآن المجيد ثانيا افلم ينظروا الى السماء ثالثا ولقد خلقنا الانسان ونعلم ما توسموس - 00:06:23

به نفسه. واخيرا يوم يسمعون الصيحة بالحق. تعالوا نشوف ربنا صحي الغافل ازاي ربنا بيفوق الغفلة اللي في قلوبنا دي ازاي؟ والقرآن المجيد. يعني ايه القرآن المجيد؟ يعني القرآن صانع الامجاد. يعني القرآن الذي - 00:06:43  
اللي يقدر يغير كل حاجة في حياتك. لو انت عندك معصية مش قادر تخلص منها. لو انت عندك ضعف همة وضعف عزيمة. نفسك تبقى احسن من كده في الدين بس مش قادر. ايه اللي ممكن يغيرك؟ ايه اللي ممكن يخليك انسان خلاف ما انت عليه؟ القرآن اعز - 00:07:03

سبب للتغيير في الحياة كلها. القرآن المجيد كان فيه واحد ضرب مثلا فاستمعوا له. واحد يعني يعني اب في بيت. الزوج مريضة وعايزه تعمل عملية. ولو ما عملتش العملية ممكن تموت. وابنه في سانوية عامه. وعايز ياخذ دروس. ولو ما خدش الدروس ممكن يسقط وما يعرفش يجيب - 00:07:23

كلية يدخلها وبنته مخطوبة والمفروض ميعاد الفرح قرب. ولو ما جابش العفش اللي اتفق عليه مع عريسها عريسها يسيبها ويروح اكتب واحدة تانية والبيت كله هم. والبيت كله مشاكل. والبيت كله غم بسبب ان ما فييش فلوس يعملوا بها حاجة. ابوهم قال لهم - 00:07:43

هسافر وهبعت لكم كل شهر جواب فيه الحل بتاع مشاكلكم كلها. فسافر اول شهر بعث لهم جواب فمسكوا الجواب وبدأوا يبوسوا فيه. ابونا بعث لنا الجواب اللي فيه حل المشاكل كلها. ومراته تقول جوزي بعث لي الجواب اللي هيحل لي كل المشاكل اللي انا فيها - 00:08:03

Creedوا يبوسوا في الجواب وحطوا الجواب. السست لسة هتموت لأن العملية ما اتعلمنتش. والواد لسة هيسقط لانه ما خدش الدروس. والبنت خطيبها يسيبها لأنها ما جابتتش لسه حاجة من العفش او الجهاز الجزء بتاعها. طب وبعددين بعث لهم جواب تاني قاموا جايبين علبة قطيفة وحاطين الجواب فيها وقايلين - 00:08:23

عليه وحاطين العلبة القطيفة كده فوق التليفزيون في الصالة كده يشوفوه رايح جاي. هيعملوا ايه؟ بعد كده البنت قطعت حنة من

الجواز وحطتها في السلسلة اللي بتلبسها وعملتها سلسلة ما شاء الله جميلة كده. ده انا حطيت حته من الجواب في السلسلة اللي انا  
لابساها وبرضه - 00:08:43

كلمة حافتتش عارفين متحلتش ليه يا جماعة؟ لأن مش الحل انهم يبوسوا الجواب. مش الحل انهم يحطوا الجواب في قلب قطيفة.  
الحل انهم يفتحوا الجواب طلعوا الفلوس اللي فيه يعملوا بها العملية. ويأخذوا بها الدروس ويشتروا بها الجهاز. الحل مش ان احنا  
نبوس المصحف. الحل - 00:09:03

مش ان احنا نحطه في علبة قطيفة جوة عربية صاحب العربية مطلع ايده بالسيجارة براها ومشغل اغاني ومعازف في اعلى صوت  
وهو ماشي فيها والمصحف محظوظ. ومتهياً لنا ان المصحف بقفلته دي كده بيقى هو ده حل مشاكلنا. الحل ان احنا نفتح المصحف  
الحل - 00:09:23

ان عشان نتغير بالقرآن لازم نفتح المصحف. ثانياً افلم ينظروا الى السماء فوقهم؟ افلم ينظروا؟ ربنا بيقول لهم هم ما شافوش هم ما  
وصووش في السما ما بصووش في الارض ما بصووش للعشرين مليون نوع كائن من الكائنات الحية. اللي عايشه على - 00:09:43  
الارض ازاي؟ مين اللي خلق كل ده؟ مين اللي ابدع كل ده؟ مين اللي خلق جوة النملة نفس اللي موجود جوة مين اللي ابدع الكون؟  
مين اللي ابدع المية وستين مليار سنة ضوئية اللي العلماء بيرصدوا مليارات المليارات - 00:10:03

ال مجرات فيهم في السماء. مين يا جماعة؟ تخيلوا واحد آآ يعني واحد دخل مكتبة عشان آآ يشتري كتاب. فلقى رواية جميلة قوي  
عنوانها شدك يعني العنوان والرسمة اللي على الغلاف شدته كده من بعيد فقام رايح فاتح الرواية كده فالدخلة بتاعة الرواية شدت -  
00:10:23

جداً وحس ان آآ يعني صفحة ولا صفحة قاعد يقلب مش يعني مشغول بالرواية لدرجة انه مش قادر يقعد. لدرجة انه مش عارف  
يفكر. لدرجة لدرجة ان حتى ما جاش في دماغه انه يقول لصاحب المحل اشتري الرواية اقرها في البيت. فضل يقرأ والحبكة  
الDRAMATIC\_BUTTING\_OF\_HADAS\_RHIBA\_ORISM - 00:10:43

شخصيات في الرواية خطير. والاحكام في الرواية خطير. لحد ما خلص الرواية في مكان وهو واقف على رجليه. فراح وهو مبهور  
بالرواية المبهرة دي راح لصاحب المكتبة قال له لو سمحت. الرواية ديت مين اللي مؤلفها؟ الرواية دي مين اللي كاتبها؟ قال له الرواية  
دي؟ قال له اه. قال له - 00:11:03

ما فيش حد كاتبها. قال له يعني ايه ما فيش حد كاتبها. الرواية المبدعة ده ايه ما فيش حد كاتبها! قال له هاقول لك الرواية دي  
اعملت ازاي بس تصدقني! كان امبراح في واحد ماشي - 00:11:23

في الشارع وكان معه قرد كده شامبانز كده من اللي بيتنطط! فالقرد اول ما شاف المكتبة آآ منزركتب خطف عينه قام فلت ايده من  
صاحبها قام داخل هنا جري قعد على الكمبيوتر اللي انت شايفه قدامك ده هو قعد يضرب يضرب على الكيبورد قام مطلع  
الرواية دهيه وبعد كده قام ضارب ضربتين - 00:11:33

قام مطلع اسم الرواية. وبعد كده قعد يشخبط على برنامج الرسم قام مطلع الصورة اللي من برة الرواية. بالله عليكم يا جماعة. لو  
واحد قال الكلام ده بيقى عاقل ولا مجنون! ده لو واحد مجنون دخل مستشفى المجانين. قال للمجانين كده هيقولوا له انت مجنون.  
مش لو واحد قال للعلم لو واحد قال للمجانين كده هيقولوا - 00:11:53

انت مجنون! المجانين نفسهم لم يعقولوا هزا الامر. لن يستوعبوا هزا الامر. ازاي يعني؟ يعني القصيدة من الشاعر الجاهلي قرد قعد  
يضرب على القلم كاتبة او على الكيبورد بتاع الكمبيوتر قام مطلعها. الكون ده جه ازاي؟ الكون العظيم ده جه ازاي؟ افلم ينظروا ما  
بيخصوص - 00:12:13

ما عندهمش وقت. مشغولين في الدنيا للدرجة دي. مشغول انه يجيب رصيد المحمول اللي بيتكلم فيه ليل نهار للدرجة دي غول انه  
يجري يجيب فلوس الدروس الخصوصية. قاعد يلف في الساقية ليل نهار للدرجة دي. مشغول ان هو يحصل - 00:12:33  
او يترقى في الوظيفة بتاعته للدرجة دي. مشغول للدرجة دي. ما هوش فاضي بيتص. ما هوش فاضي مرة يقف ويفكر اللي بنى السما

دي ازاي يعصى ؟ اللي بنى السما دي ازاي ينادي ؟ ساعة الفجر الساعة خمسة الفجر - 00:12:53  
ال المسلمين فاضية. الساعة سبعة الصبح وقت الزروة. ما فيش حد عارف يمشي ولا نزوح ولا ييجي. الساعة خمسة الفجر الله ينادي على امة محمد. الساعة سبعة الصبح الدنيا تنادي على امة محمد. لما ربنا نادى ما فيش حد نزل. الا نادر لما الدنيا نادت الكل نزل بيجري - 00:13:13

الكل ولی مقبلا الكل بيجري بيقى يا اخواننا تخيلوا لو كان الشغل بيبدأ الساعة خمسة الصبح كان الناس كلها صحت بس مش عشان الفجر عشان الشغل افلم ينظروا ثالثا ولقد خلقنا الانسان. ونعلم ما توسوس به نفسه. الصفحة ديت صفحة عجيبة جدا -  
00:13:33  
ركزوا معي كده يا جماعة. الصفحة دي اكتر صفحة في القرآن جمعت مراحل الدار الاخرة. اكتر صفحة في القرآن جمعت مراحل  
الاخرة كلها شف ولقد خلقنا الانسان ولقد لام القسم الله يقسم. ربنا بيقول لك اقسم انانا اللي خلقتك. انت انت مش مصدق -  
00:13:53

من جبل الوريد الملائكة نازلة وما حدش شايف حاجة. الملائكة نازلة واهل الميت حواليه. والراجل بدأ يحتضر وما حدش واحد بالله.  
اذ يتنقل متلقيان يتلقى المتلقيان مين المتلقيان دول؟ وفين المفعول به؟ يتلقوا ايه؟ يعني لما احذف كرة لواحد اقول تلقى الكرة.

تلقى حاجة انما يتلقى المتقليان ايه؟ التلقي ده فيه لهفة. يعني واحد ملهوف مستني حاجة ياخدها. مين المتقلين دول؟ دول ملكين من الموت ببيجوا يقفوا على يمين الواحد وعلى شماله ده ده اول مرة هيبداً يشوف الدار الاخرة بقى. اول مرة الراجل ده طول عمره عايش، اه ما - 00:15:53

ما تشوفش ملايكة كلنا ما بنشوفش حاجة. أول مرة هيبدأ يشوف العالم الآخر. قبل ما يموت في الاحتضار يلاقي اتنين واقفين على يمين وشمال عند راسه كده يمين وشمال دول مين دول؟ دول مستنيين الروح. يتلقى المتقىان. قال الرازي وقال ابن عاشور يتلقون

واقفين مستنيين روحه. واقفين مستنيين اما ملك الموت يخرج روحه ياخدوها منه. ويقوموا رايحين لفرقة الملائكة اللي نازلة له من السما ويقوموا طالعين الروح بتاعته من اجل بداية مراحل الآخرة. اذ يتلقى المتقليان. تخيل كده يبدأ يفتح عينه. اتنين مستنيين الروح. عن: اليمن وعـن: 00:16:33

الشمال قعيد قاعدين مستنيين ما يلفظ من قول الا لديه رقيب عتيد. ده مين رقيب عتيد؟ مين مين دول وكمان ده دول الملكين بتوع كتابة الاعمال واقفين له عند راسه لسة. ملك يمين وملك شمال ده يكتب الحسنات وده يكتب السينات - 00:16:53  
دول غير الملكين اللي مستنيين الروح غير المتألقيان. رقيب عتيد غير المتألقيان. طب واقفين دلوقتي بيعملوا ايه ده راجل بيموت عشان اخر كلمة هيقولها قبل ما يموت يكتبوها. عشان اللي هيقوله اللي هيتلفظ به لحظة خروج الروح يكتبوا. يا نهار - 00:17:13  
نهار ابيض! يعني هيقول ايه ياني! ممكن يقول اه يكتبوها. ممكن يسخط على الله والعياذ بالله. يكتبوها ممكن يقول لا الله الا الله.

محمد رسول الله اكتبواها. واقفين مستنيين. هيكتبوا اللي هيقوله. تخيل - 00:17:33

تخيلوا صدمته لما يبدأ فجأة يشوف يلاقي ملكين مستنيين الروح. المتقليان. وبعد كده ملكين تانيين رقيب عتيد كل واحد منهم رقيب عتيد فين بيكتبوا اللي بيقولوا طب واقفين بيكتبوا اللي بيقولوا طب ازا كان لحزة الاحضار ما سابهوش يبقى من باب اولى طول العمر ما كانوش سايبينه - 00:17:53

يا ندمي يا ندمي وانا طول العمر كان معندي ملكين بيكتبوا كل شيء. لدرجة ان لحزة خروج الروح ما سابونيشه يروي في الاثر ان هزین الملکین حينما تخرج الروح. يقول ان لصاحب هذا الجسد - 00:18:13

الله خيرا عن كل مجلس خير اجلسنا فيه. وجزاك الله شرا عن كل مجلس سوء اجلسنا فيه. جزار الله كل خير. على كل خطبة جمعة حضرتها. على كل درس في الجامعة حضرته. على كل حلقة تحفيظ قرآن - 00:18:33

انا قعدت فيها على كل مقأة بعد الفجر قريت فيها على كل قعدة. قعدت مع مراتك ووالدك تقرروا قرآن فيها وجسد الله شرا على كل قعدة على قهوة قعدتنا فيها. على كل قعدة فيها سجاير وشيشة قعدتنا فيها. على كل مرة قعدتنا فيها - 00:18:53

قناة كليبات ولا قدام موقع فاسد على النت هذين الملکين. اذ يتلقى المتقليان عن اليمين وعن الشمال قعيد. ملكين الموت ما يلفظ من قول الا لديه رقيب عتيد. ملكين الايه؟ الحساب. وجاءت سكرة الموت. وجات اللحزة اللي ملك الموت - 00:19:13

هيأخذ روح هذا البني ادم ويبدأ يفتح عينه يلاقي ملائكة مد البصر اما بيض الوجوه واما سود الوجوه زي قاتل كده لما مات وهو رايح لارض الطاعة. فنزل نوعين من الملائكة. ملائكة بيض الوجوه. وملائكة سود الوجوه. ملائكة معهم كفن من - 00:19:33

وملائكة معهم مسوح من جهنم. ملائكة معهم برفات من الجنة وعطور من الجنة. وملائكة معهم والعياذ بالله وسائل تعزيب من النار. والاتنين عايزين ياخدوا روحه. والاتنين بيقولوا احنا اللي هنقبض روح ده. قصة ماتعة. يعني - 00:19:53

قصة قاتل الماء ولكن قضية ان هنا الرجل ده يا جماعة بدأ يشوف ملائكة ممكن بيقوا بيض الوجوه وممكن بيقوا سود الوجوه وجاءت سكرة الموت سكرة يعني سكر عينك يعني اقفل عينك. لقالوا انما سكرت ابصارنا اي انما اغلقت ابصارنا. وعميت ابصارنا. خلاص - 00:20:13

فسكرة يعني قفا. كل حاجة قفلت. بقه مفتوح وما يقدرش يطلع بق مایة. عينيه مفتوحة وما عدش شايف حاجة. ودنه مفتوحة وما عدش سامع حاجة. ايده جنبه ما عدش يقدر يمسك حاجة ذلك ما كنت منه تحيد. ذلك اسم بشاره للبعيد - 00:20:33

يعني دلالة على ان الموت ده امر خطير جدا. والانسان ما كانش عامل حسابه له. وجاء وجاءت سكرة الموت بالحق. ذلك ما كنت ونفخ في الصور ذلك يوم الوعيد. كنا الوقتي في الاحضار شوية بقينا عند خروج الروح والموت. شوية الوقت دخلنا في - 00:20:53

بعض نفخ في الصور ذلك يوم الوعيد. نفخ في الصور اللي هو لحزة البعض. لحزة لما الناس بتقوم من تحت التراب. الوقت عايش على الكرة الارضية سبعة مليارات بني ادم. كل خمسين سنة بييجي سبعة مليارات غيرهم. تخيل من ايام سيدنا ادم لحد يوم القيمة هيبي عدد البشر بقى لما كل البشر - 00:21:13

عشان يطلعوا مرة واحدة متين مليار تلميذ مليار ربعمية مليار متخيل الجن وهم طالعين من تحت التراب كمان متين تلميذ ربعمية مليار وتأب نفسه طالع من تحت التراب وتخيل الوحوش لما تحشر تلميذ ربعمية مليار. تخيل انت بقى المنزه المهيوب ده كله والناس طالعة من تحت - 00:21:33

التراب ما فيش حد بيبيص لحد. الشاب اللي كان ما يقدرش يغض بصره. اجمل نساء الدنيا طالعين من تحت التراب ما فيش حد بيبيص لحد. اللي كان الجنـيه اغنى اغنياء الدنيا طالعين من تحت التراب ما حدش بيبيص لحد. اللي مدفون جنب ابوه وجنب والدته. العيلة كلها - 00:21:53

كلها طالعة من تحت التراب. ما فيش ام بتبعض لابنها. ما فيش اخ بيبيص لاخوه. ما فيش ابن بيبيص لابوه. ما فيش صاحب بيبيص لصاحب ونفخ في الصور ذلك يوم الوعيد. الموت ذلك ما كنت منه تحيد. البعث ذلك يوم - 00:22:13

قل وعن ذلك اسم اشارة للبعيد لأنها احوال مهولة. ما كانش حد واحد بالله منها. وجاءت كل نفس. كل ولا واحد هييفلت. ولا واحد

سورة قاف مليانة لفظ كل ده. هذا ما توعدون لي كل اوام. تبصرة وذكرا - 00:22:33

لكل عبد منيб وجاءت كل نفس القيها في جهنم كله كفار. ما حدش هيفلت. ما فيش حد هيروح فين ما فيش حد هيعرف يروح ولا بيجي. وجاءت كل نفس معها سائق وشهيد. ده مرحلة ايه ؟ الحشر. كنا في - 00:22:53

دخلنا في الموت. دخلنا في هزه الصفحة يا اخواني كما قلت لكم من اعجب صفحات القرآن في الكلام عن الدار الاخرة. اللي هي تاني صفحة سورة قاف جمعت كل مراحل الدار الاخرة. بل فيها من التفاصيل ما ليس في غيرها من القرآن. صفحة واحدة - 00:23:13

ربنا جعلها موسوعة للدار الاخرة. ايه القدرة دي! ايه العلم ده! عشان كده يعني سبحانه الله سورة القاف ربنا بيقول والقرآن المجيد ربنا اقسم بالقرآن على ايه ؟ قد علمنا ما تنقص الارض منهم. زرات تراب جسم الانسان بعد ما يموت وتتحلل وتتطير في الشرق والغرب. الله يعلم - 00:23:33

مكان كل زرة من جسمك بعد ما تموت وتبقى تراب. والرياح تشيلها في الشرق والغرب. الله يعلم زرات جسم كل مخلوق راحت فين ؟ ويوم القيمة يقول لها كوني فتكون. يعني الله يقسم بعلم الله على علم الله. يقسم بالقرآن على علمه بزرات - 00:23:53

التراب اجسادنا بتروح فين ؟ يعني ربنا بيقول لك ده انا مش هابعسك. ده انا ده انا زرة التراب اللي كانت في كبدك مش هتيجي في كلتك ده انا زرة التراب اللي كانت في جسمي ده هو مش هتيجي في جسمي ده هو! ده انا هجيبك زي ما انت. وفي سورة قيامة بلا قادرين على ان نسوى - 00:24:13

ده انا هجيبك ببصمة صابعك تاني. ده انت يوم ما هتبعد بصمة صابعك اللي ما كانش على وجه الارض واحد شبек فيها هخلبك لك تبعس ببصمة الصوابع. بالبصمة بتاعة الصابع بتاعتك في الدنيا. ايه القدرة دي! صدمات كهربائية للقلوب - 00:24:33

سورة قاف بتتفوق القلوب الغافلة. وشاءت كل نفس معها سائق وشهيد. ييجي اتنين بقى واحد يمين وواحد شمال كده. يوم القيمة دول دول سائق وشهيد هي عملوا ايه ؟ دول هيفضلوا معك لنهاية يوم القيمة. لحد يا اما - 00:24:53

سلموا هذا الرجل للسبعين الف ملك القوة التنفيذية اللي هتقضوا الى النار التي تكلم عنها ابن كثير يا اما يسلموا الصراط عشان يطلع يعدي ويدخل الجنة. دول هيفضلوا معك لنهاية يوم القيمة. واقفين لك كده اهو. تخيل واحد ومعه اتنين مخبرين كده واقفين له كده - 00:25:13

اووه اه مش عارف لا يبيص يمين ولا شمال. احنا للاخر معك. اتنين ملايكة للنهاية. وجاءت كل نفس معها سائق وشهيد لقد كنت في غفلة من هذا كل اللي حواليك ده انت ما كنتش داري ولا كنت بتتفكر فيه. فكشفنا عنك - 00:25:33

غطاءك لأن واحد كان مغطي عينيه. كان ناعمي واتكشف غطاء الغفلة. فيه واحد الغطاء ده. كان الفلوس كانت عمياء في واحد الغطاء ده كان متعته ولزته. كان اهم حاجة في الدنيا متعته وفسحته. وطلعته وشلتة - 00:25:53

وقهوتة والموقع اللي بيدخل عليه. وفيه واحد تاني كان الغطاء بتاعه ده مركزه الاجتماعي. انا ما ينفعش آآ انا ما ينفعش البس الحجاب بالمنزد اللي انت بتقولوا عليه ده. لأن انا الطبقة الاجتماعية اللي انا فيها آآ ما ينفعش ان انا البس ده. انا اخرى مسلا يعني ايه كده - 00:26:13

يبقى فيه ناس وفيه ناس كان الحجاب بتاعها والغطا بتاعها معصية معينة غرس فيها ومش متخيل انه يقدر يسيبها وعاملة حاجز بينه وبين ربنا فكشفنا عنك غطاءك. فبصرك اليوم حديد. اول مرة هتشوف الجنة بجد. اول مرة هتشوف النار - 00:26:33

بعد قال قرينه وقال قرينه هذا ما لدلي عتيد الاحداس تطورت ودخلنا في العرض على الله والراجل واقف بين يدي الله وفوجئ ان فيه ملك طالع. مين ده؟ ده كان قرينه من الملايكة. انا! انا كان فيه قرينه ملايكة - 00:26:53

معي انا كان فيه ملك ما بيسبنيش. كان بيعمل ايه ؟ كان قاعد يذكرك بالخير اللي انت ما نفتش منه حاجة. انا كان فيه بياأمرني بالخير وانا ما اعرفش عنه حاجة يقوم قرينه الملايكة. رباني ويقول هذا ما لدلي عتيد. يا رب الرجل ده كان عتيد في - 00:27:13

عمرى ما زكرته بخير وعمله. عمرى ما شفته الا على معصية وعلى غفلة. اول ما ملك الملك يشهد عليه ربنا يقول القيها في جهنم كل

كفار عنيد. القي بالمثلنى. ربنا بيكلم مين؟ ها بيكلم السائق الشهيد. اللي واقفين معه حتى في العرض على الله. القيم - 00:27:33  
سلموه بقى للسبعين الف ملك اللي ربنا بيقول لهم خذوه فغلوه في سورة الحق. ابن كثير بيقول سبعين الف ملك مستنيبين تنفيز امر الله. خدوا زي كده مع مسجون في الزنزانة القاضي يقول يتسجن يقوموا يسلموه بقى العربيات الامن المركزي اللي برة كده بقى فاتنين واقفين القيمة ودوه بقى على - 00:27:53

سكة جهنم في جهنم زي ما كيس زبالة يترمى كده من الشباك. القيمة ما عدش لهم قيمة في الدنيا اصلا. ارموه زي كيس الزبالة لما بيترمى كده. القي فيه جهنم كل كفار عنيد مناع للخير معند مرتب. الذي جعل مع الله الها اخر فالقياه في العذاب - 00:28:13  
ربنا ما قالش القيا الذي جعل مع الله الها اخر. ده ربنا قال اول مناع للخير. ده كان راجل بخييل. ما بيطلعش صدقه. وبعد كده بقى معتمدي. بقى بياكل ورس اخته بقى بيظلم بقى بيرتشي مرتب وبعد كده بقى شراك في الدين وبقى عنده شوية شبها. وبعد كده الذي - 00:28:33

جعل مع الله لانا اخر. بعد كده بقى مشي في طريق كفر. هو ده اسمه ايه يا جماعة؟ ده اسمه زوحلية. الزوحلية. ان المعصية ما بتجيشه مرة واحدة كده. دي زحلية. يعني - 00:28:53

اللي بيبدأ طريق المعصية هتاخده لنهاية الطريق. لحد ما يضيع في القاع. واحد يقول لك انا هعسي ربنا بس انا عارف هقرا طعم الكنترول على نفسي هافق في النص. يا عم ما فيش في النص اللي بيركب زحلية المعصية بتجييه في الارض في النهاية. قال قرينه ربنا ما - 00:29:03

يقف قرین الشياطين بقى. ده انت مين انت كمان؟ ده قرین الشياطين بتاعك. كان شيطان ربنا كان معين ملك لك يأمرك بالخير وابليس كان معين شيطان لك. لكلبني ادم على وجه الارض يذكره بالمعصية وبالشهوة. فالقرین بتاع الشياطين عارف انه - 00:29:23

معه في جهنم فيقف. قال قرينه ربنا ما اطفيته. وانا ما لي يا رب! ولكن كان في ضلال بعيد. يا رب هو اللي كان ضائع. يا رب هو اللي كان - 00:29:43

ادم ضاللي. انا ما لي يا رب اترمي معه في جهنم ليه؟ قال لا تختصموا لدی. وقد قدمت اليكم بالوعيد ما يبدل القول وبعد كده لقى ملكين واقفين بيكتبوا الاعمال. وبعد كده شاف ملك الموت وبعد كده شاف فرقة الملائكة لبيض الوجوه او اسود الوجوه - 00:29:53  
كنز القبر لقى ملكين بيحاسبوه. وبعد كده طلع من القبر لقى سائق وشهيد مستنيبينه. وبعد كده دخل العرض لقى لقى قرین الملائكة قرین الشياطين واقفين وسبعين الف ملك برة واقفين. الرجل ده زهوله كله من ايه؟ هو كل ده عشان ايه؟ هو انا عملت ايه؟ هي الدنيا كانت - 00:30:13

بعد للدرجة دي هو الامتحان اللي احنا فيه كان خطير للدرجة دي! هو احنا كنا في امتحان خطير وانا ما كنتش واخد بالي! ده انا كنت باحسبها آآ كنت محسبها لعبه. كنت بحسبها يعني عيش حياتك. انا ما كنتش اعرف ان الموضوع كبير كده. انا ما كنتش اعرف ان الموضوع - 00:30:33

بعد كده انا ما كنتش اعرف ان الموضوع خطير كده. هي دي مشكلة العاصي. وهي دي مشكلة الغافل. انه لا ينظر الى لا ينظر الى عظمة من عصى. ما هوش عارف هو بيعمل ايه. ما هوش عارف هو بيودي نفسه فين. اقول قولي هذا واستغفر الله لي ولكم. اما بعد - 00:30:53

ثم نقول لجهنم هل امتلأت؟ الناس واقفة اتحكم عليها بالنار. فبصوا لباب جهنم لقوا الناس متکلبسة على الباب فاتياً لهم ان جهنم زحمت واتقللت. فجهه جواهم امل انهم ما يدخلوهاش. فربنا يقوم مكلم - 00:31:13

النار قدامهم يقول لها هل امتلأت خلاص كده ما عادش فيك مكان ويسمع اهل المحشر جمیعاً جهنم هي تقول هل من مزيد فتنخلع قلوب هؤلاء المعدبين؟ والعياذ بالله صدمة كهربائية. جهنم طلعت كائن حي - 00:31:33

وازلفت الجنة. الجنة يعني تخيلوا منزr الجنة ازلفت يعني الجنة هي اللي جاية عليك. يعني اتنين حباب هو بيجري على اللي بيحبه

واللي بيحبه بيجري انت بتجري على الجنة والجنة بتجري عليك. وازلفت الجنة للمتقين غير بعيد. خلاص. كلها حاجة بسيطة وتدخل الجنة - 00:31:53

كلها حاجة بسيطة وتبقي من اهلها. هنا هذا اسم اشارة للقريب. يعني خلاص الجنة بقت قريبة اهو. يوم القيمة بيخلص اهو خلاص الجنة بقت قريبة ايه! الجنة ممكن تشوفوها من بعيد اهو. هذا ما توعدون. لكل اواب حفيظ - 00:32:13

من خشي الرحمن بالغيب وجاء بقلب منيب. هذا ما توعدون لكل ايه؟ ايه اواب. ده اواب دي يعني ايه؟ ده ان واحد كان بيعد ربنا استمر على الطاعة. حفيظ يعني ايه حفيظ دي؟ يعني واحد كان بيحفظ حرمات ربنا. كل دولة لها حدود. مصر لها حدود. أمريكا لها حدود - 00:32:33

لو دولة طيرتها دخلت في حدود دولة من غير ازن. يحصل لها ايه؟ في القانون الدولي! تتضرب بالنار. كذلك الله اه له حدود. لو واحد عدى حدود ربنا من غير ازن. يحصل له ايه؟ يا حلم ربنا علينا. واحنا بنعدي حدود ربنا ليل نهار - 00:32:53

وربنا بيحلم علينا. بس لحد امتي هيحلم حفيظ حافز لحدود ربنا. حافز بحدود ربنا. هذا ما توعدون لكل يعني كل اللي هيعمل كده ياخد الجنة بس على شرط يجيب الكلام ده. يعني ايه؟ هو كل اللي بيحب الطب يا جماعة بيبيقى دكتور. يعني ناس كتير قوي بتحب الطب كلهم - 00:33:13

الدكاترة لا طبعا امال ايه اللي جاب مجموع كلية طب بس هو اللي هيبيقى دكتور. طب كل اللي بيحب الهندسة بقى مهندس؟ لأ امال ايه؟ اللي جاب مجموع هندسة قل لي بقى مهندس. طب كل اللي بيحب الجنة بيدخلها لأ. او مال ايه! اللي جاب مجموعه جنة. ربنا ما قالش هزا ما - 00:33:33

لكل من كان يحب الجنة. طب ما كل الناس بتحب الجنة. انما مين اللي دفع تمنها؟ مين اللي معه المجموع بتاعها؟ مين اللي دفع تمن الجنة؟ هذا كما توعدون بكل بلا استثناء. بس اواب مجتهد في طاعة الله. حفيظ بعيد عن معصية الله - 00:33:53

من خشي الرحمن بالغيب وجاء بقلب منيب. كان من اهل الخشية والانابة. يعني قلبه كان نظيف من جوة. يعني قلبه كان جنة ايمان من جوة طب هو ربنا الاول قال اواب يعني بيعمل الطاعة. وبعد كده حفيظ يعني بعيد عن المعصية. الكلام ده معناه ايه؟ معناه بالبلدي كده - 00:34:13

لو دخلت الطاعة من الباب هربت المعصية من الشباك. يعني لو انت في حياتك معصية مش عارف تخلص منها. معدبات ضميرك بيقطع كل ما تقع فيها وتحس انك منافق وانك وحش وانك بادع لربنا. عايز تخلص منها عايز طريقة سهلة للتخلص منها. اشغل نفسك - 00:34:33

بطاعة الله. اشغل نفسك بالصحبة الصالحة. اشغل نفسك بسماع دروس ايمانية. كل ما مساحة الطاعة تزيد في حياتك تلاقئ هتلaci المعصية بتقل في حياتك ادخلوها بسلام. ايه بسلام بقى! هو لست فيه حاجة الناس خايفه منها! ما خلاص احنا مقربين من الجنة اهو. ادخلوها بسلام بسلام! يعني فيه - 00:34:53

خطر ولكن انت هتسلموا منه. هو ايه اللي لست بعد العرض على الله؟ حد يعرف؟ الصراط والقنطرة. كانها بشرى من قبل ما يعدوا هتسلموا ما تخافوش. ذلك يوم الخلود لهم ما يشاؤون فيها. ولدينا مزيد. المزيد هو - 00:35:17

والنظر لوجه الله. الله اكبر. كما قال النبي صلى الله عليه وسلم. يعني الصفحة دي يا جماعة ربنا جاب فيها ايه؟ ربنا اتكلم فيها عن الاحتضار. شوفوا السورة واحدة تاني صفحة في قفل الاحتضار الموت والبعس والحضر والعرض والنار والجنة والصراط والقنطرة - 00:35:37

النظر لوجه الله. عشر مراحل من مراحل الدار الآخرة في صفحة واحدة بس من القرآن الكريم. اخواني واحبابي في الله عايزين نقبل علىكم واحد فيينا يا جماعة قرأ سورة الكهف النهاردة؟ كم واحد فيينا النهاردة بعد الفجر مسلا قعد في جلسة الضحى قرأ سورة الكهف او قبل ما يجي قرأ سورة الكهف او - 00:35:57

ولما يروح الوقت هيقرأ سورة الكهف وقام واحد فيينا النهاردة كده يروح بقى ايه يصلي ركعتين قيام ليل الليلة بصورة قاف يجيب

بقي الكلام اللي احنا قلناه ده ونشوف بقى الكلام ده هي فوقه ولا لأ؟ الصدمات الكهربائية القرآنية دي هتصحي قلبك وهتوقظ قلبك والموضوع وصل لايه ؟ - 00:36:17

عايزين نعالج قلوبنا بالقرآن. عايزين نداوي قلوبنا بالقرآن. عايزين يا اخوانا نعرض قلوبنا لاشعة القرآن لحد قلوبنا اتثور لحد ما قلوبنا ديت تقبل على الله سبحانه وتعالى وتعرف ربنا عشان كده اخوانى واحبابي في الله اوسيكم قبل ان انزل - 00:36:37

من على منبر رسول الله صلى الله عليه وسلم. الوصية الاولانية يعني هزا المسجد بازن الله المسجد المبارك. يعني من لا يشكر الناس لا يشكر الله. يعني الاستاذ الفاضل اللي كان سبب في بناء هذا المسجد اسأل الله ان يأجره. وسائل الله ان يخلف عليه في دينه ودنياه واخرته. وسائل الله ان يزيد - 00:36:57

ان يزيد في دينه ودنياه. وربنا يجعلنا من عمار بيوت الله سبحانه وتعالى. خطب الجمعة هنا يا جماعة يعني ان شاء الله بازن الله هتبقى اساسا خطب تفسير قرآن. يعني يعني سبحان الله كان فيه مواضع يعني ممكن اتكلم معكم فيها النهاردة اكتر من موضوع. كذا موضوع ولكن - 00:37:17

اثارت ان الخطبة تبقى تدبر في كتاب الله. تبقى تدبر في القرآن المجيد. اللي هيرجعنا للمجد تاني. لو اقبلنا عليه. اللي هيفير كل شيء في حياتنا لو اقبلنا عليه. فبازن الله سبحانه وتعالى يعني دكتور محمد ثروت واخواننا من الدعاة اللي هيعلنوا - 00:37:37

هذا المنبر كل جماعة بازن الله سبحانه وتعالى هيكون التركيز الاساسي في هزا المسجد على تفسير كتاب الله. بحسب ان انت مرة كده تلاقي قصة اصحاب الكهف. يا سلام! ترجع بقى تقرأ سورة الكهف يوم الجمعة. وانت عايش معها. تيجي مرة كده تلاقي سورة كذا - 00:37:57

يات كذا آآآآآ صورة من سور الجزء الثلاثين اللي احنا بنقرتها في الصلاة ومش حاسين بجمال معانيها. نبدأ بقى نفهم القرآن يا جماعة فخطب الجمعة هنا بازن الله سبحانه وتعالى هيبيقى لها منهجه. هيبيقى لها منهجه وهو تفہیم الامة كتاب الله. وتفسیر كتاب - 00:38:17

الله بازن الله سبحانه وتعالى. الحاجة الثانية يا اخوانى الحاجة الثانية يعني عايزين نحط قلوبنا في الايمان عايزين نحط قلوبنا في بيت الدين. يعني لو دي حالة مایة وانا جبت حنة لحمة حطيتها في حالة المایة اللي بتغلي الدقيقة وشلتها شوية. وحطيت - 00:38:37

دقيقة وشلتها شوية. اللحمة مش هستتوى. ليه؟ لأن لازم تفضل محظوظة مدة. اهو بالزبط كده قلبك لو انت جيت مسلا خطبة جماعة آآ وبعد كده بقى عايش في الدنيا بقى ووسط الدنيا ومشاكل الدنيا انت قاعد تحط قلبك جوة بيئه الايمان وتشيله. مش هيستوى. عشان كده عايزين حاجة في النص. عايزين حاجة في - 00:38:57

نص تسند كده اه مع خطبة الجمعة ايه بقى؟ فيه درس اللي هو درس الخميس في هزا المسجد. انا باقول لكم الكلام ده ليه؟ باقول لكم الكلام ده ليه؟ هو مش قضية ان انا - 00:39:17

باقول لك اعمال انا باقول لك روشة عملية للوصول الى الله. روشة عملية لليقظة عشان نخرج من الغفلة اللي احنا فيها. لازم يبقى فيه درس في الاسبوع كده ساعة. ساعة لوجه الله يا اخوانا. يا عم الشيخ دروس ايه يا عم الشيخ! احنا - 00:39:27

فاضيين ده احنا بنجيب الجنـيـه بـطـلـوـعـ الرـوـحـ. ما انت عـدـتـ بـتـجـيـبـ الجـنـيـهـ بـطـلـوـعـ الرـوـحـ. لـانـكـ اـنـتـ بـخـلـتـ بـمـجـهـودـكـ عـلـىـ رـبـنـاـ. فـرـبـنـاـ خـلـىـ مجـهـودـكـ يـرـوحـ فـيـ الفـاضـيـ. لما بـقـفـ فيـ شـارـعـ فـيـ المـنـصـورـةـ السـاعـةـ اـتـيـنـ الضـهـرـ ساعـةـ عـشـانـ اـعـدـيـ منـ زـحـمةـ المرـورـ - 00:39:47

اقول سبحانهك يا رب. الناس بخلت بوقتها على ربنا. بخلوا انهم ينزلوا يصلوا الفجر في الجامع. فربنا ابتلاهم بضياع الاوقات فيما لا نفعله؟ يقف ساعة في الزحمة عشان يعدي شارع. سبحانه الله! بركة الوقت نزعت ليه؟ لأن احنا بخيينا بوقتنا على ربنا - 00:40:07 المجهود عشان الرزق بيجي بقى صعب ليه؟ لأن احنا بخلنا بجهدنا على ربنا. انا لسة رايح المسجد واقعد اسمع درس. خلاص يعني النبي عليه الصلاة والسلام كان قاعد في مجلس يا جماعة فجه ثلاثة. فواحد بص كده لقى حنة فاضية قام قاعد فيها. وواحد اتكسف

وقعد ورا. والتالت بص كده يا عم الدنيا - 00:40:27

زحمة وحر قام ماشي. فالنبي عليه الصلاة والسلام ما عداهاش. قال لهم الا ادلكم على خبر الثالثة؟ قال للصحابة اعرفكم الثالثة دول عند ربنا اما الاول اللي جه قعد في في الاول ده فاوي الى الله فواوه الله. ده معسكرات ايه - 00:40:47

ربانية الدروس الایمانية اللي في المساجد دي معسكرات ايواء انت جاي لمعسكر ايواء رباني. يا بختك واما السانی اللي اتكسف وقعد ورا فاستحيها فاستحي الله منه. يعني ايه استحي الله منه؟ ربنا لما يستحي من العبد العبد لو رفع ايده ربنا ما يردهااش الا لما يجيب الدعاء. يعني - 00:41:07

بقى مستجاب الدعاء. يا جماعة ده اللي بيقعد ورا في الدروس ده. تلات تربع الدرس بيضيع عليه. يقعد بيص كده. واللي قام دخل الحمام في في النص. واللي ايه ساعة ما الادان ادن مش عارف عمل ايه قعد يتفرج ومع ذلك اللي قعد ورا ده اخذ اجاية الدعاء يعني دي اقل جايزه في حضور الدروس - 00:41:27

ما بالك بالجوائز الاعلى! واما السالس اللي ما رضاش يحضر بقى. شف بقى الكلام الخطير. شوفوا بقى يا امة محمد. عدم حضور الدروس الایمانية. جريمة الشرع قد ايه ؟ واما السالس اللي مشي فاعرض الله عنه - 00:41:47

واما السالس فاعرض. اعرض يعني ما عنديش وقت يا رب. مشغول فاعرض الله عنه. يعني انت ما عندكش وقت لربنا خلاص ما تجيشه اووعي تطلب من ربنا حاجة بيحصل لك مشكلة. فاعرض الله عنه يا نهار ايض! ده ده عشان ما حضرش درس ايماني! ده ده عشان ما حضرش درس - 00:42:07

يزكر وهيجيب منين ؟ عربية ما بتمنوش بنذين هتجيب منين ؟ عشان كده يا اخوانى في الله درس الخميس هنا ان شاء الله هيبقى ثابت بازن الله سبحانه وتعالى كل خميس - 00:42:28

المغرب للعشاء كل مرة ان شاء الله تلاقوا داعية من الدعاء بازن الله سبحانه وتعالى نعرف ربنا ونتذكر ودلوقتى يعني دكتور محمد شغال في سلسلة عن الصلاة وهتلاقوا بقى الدعاء بيتتعاقبوا ان شاء الله كلام يعني مهم جدا يا اخواننا الحاجة الثالثة يعني في هذا المسجد مسجد الصحابة فيه دار تحفيز في - 00:42:38

في في دور تحفيز عندكم ما شاء الله انت بلدكم مليانة خير الله اكبر. ربنا بيارك يا رب. يعني فيه دار تحفيز كبيرة برضه اسمها دار الصحابة. رح احفظ قرآن. بتحفظ - 00:42:58

الرجالة والستات بتحفظ الاطفال والكبار. بتحفظ الشباب والبنات. الجميع من الصبح لحد بالليل. يعني حاجة اوين بوفيه بس اوين بوفيه قرآنى بقى. اوين بوفيه اخرؤي. ما تحفظش قرآن ليه ؟ ما تقربش من حفظ كتاب ربنا سبحانه وتعالى. حاجة رابعة - 00:43:08

سيدي عشان شهيتك تتفتح ولما نقابل ربنا يوم القيمة ما ييقاش فيه حاجة بقى ايه ما ييقاش فيه عذر لحد قدام ربنا سبحانه وتعالى فجر مقرأة قرآن الفجر وتصحيح تجويد مع بعض التعليقات على اعجاز الآيات. تعليقات بسيطة مقرأة فجر - 00:43:28

الحد ده ان شاء الله فجر الحد ده. اول ختمة قرآن في المسجد. في مقرأة الفجر. نهاية وتمام اول ختمة قرآن في المسجد صلاة الفجر يبقى انت عندك خطبة جمعة في تفسير القرآن اسبوعين. عندك درس وعزى للدعاء الى الله يتعاقب عليه دعاء بقى ان شاء الله بازن الله. يعني اللي انت بتحبهم - 00:43:48

تعرفهم او ما تعرفهمش. ان شاء الله الخميس من المغرب للعشاء. عندك آآ دار تحفيز ودور تحفيز. تروح تحفظ قرآن عشان قلبك ينور.

وربنا لما تحفظ كلام. عندك مقرأة لفجر تتعلم تجويد. وتقرأ القرآن صح. وممكن كمان تفهم بعض المعاني - 00:44:08

من كتاب ربنا سبحانه وتعالى يوميا يعني وليمة يا جماعة. وليمة. يا ريت كل المساجد تبقى كده. واحسن من كده. يا ريت يا اخواننا لما نحط ايدنا في ايد بعض عشان نوصل لربنا ربنا هيمل حيالنا بركة. اسأل الله سبحانه وتعالى ان ينزل من بركاته ورحماته على اهل هذه - 00:44:28

قرية اللهم انزل من بركاتك ورحماتك على اهل هذه القرية. اللهم الف بين قلوبهم على ما يرضيك عنهم اللهم ادي الدين عن مدینهم. اللهم اشف امراضهم. اللهم ارحم امواتهم. اللهم بارك لهم في ارزاقهم. اللهم يسر لهم امورهم - 00:44:48

اللهم اصلاح لهم حالهم وبالهم. اللهم استعملنا ولا تستبدل بنا. اللهم استعملنا لا تستبدل بنا. اللهم انا  
نستغفرك من كل ذنب عصيناك به. ونستغفرك من كل صلاة ضيعناها. ونستغفرك من كل - 00:45:08  
في معصية سر جعلناك فيها اهون الناظرين اليها. ونستغفرك من كل امر فعلناه نظنه حلال وهو عندك حرام ونستغفرك من كل خطوة  
الى حرام مشينها ومن كل لقمة حرام اكلناها. يا من تبسط يدك بالليل ليتوب مسيء النهار - 00:45:28  
تب علينا يا ربنا من ذنوب الليل والنهار. اللهم طهر مصر من المواقع الفاسدة. اللهم طهر مصر من الزنا والخنا. اللهم طهر مصر من  
التبرج والسفور. اللهم طهر مصر من الخمور والمخدرات. اللهم طهر مصر من الرشوة والربا. اللهم انصر دينك. واعز - 00:45:48  
اللهم اذن لدينك ان يسود. واذن لشرعك ان يقود. واذن لكتابك ان يحكم. برحمتك يا ارحم الراحمين سبحانك الله وبحمدك اشهد ان  
لا اله الا انت استغفرك واتوب اليك اه - 00:46:08  
- 00:46:38